



Friðt Saga
um
Herhlaup Tyrkjans
Sg 949.1





949. 103

Óla

Ólafur Egilsson

Lítil Saga

umm

herhlaup Tyrkjans á Íslandi

árið 1627.

+

Útgefendur:

*Hallvarður Hængsson og Hrærekur Hrólfs-
son.*

Jón Borgfirðingur.

Reykjavík.

Prentað í prentsmiðju Íslands,

1852.

Einkunnarorð:

Oss frá páfars vöndum vjelum
vernda þú og Tyrkjans grjelum.

97489



A N N Á L L

Klánsar lögrjettumanns Eyjólfssonar

um

*herhlaup Tyrkjans á Íslandi árið 1627,
staðfestur af Einari Loptssyni frá Vest-
manneyjum, Haldóri Jónssyni úr Grinda-
vik, og fleirum mönnum, er herteknir
höfðu verið og út komu áptur.*

Þegar Kristján konungur hinn 4ði rjedi fyrir Norður-
löndum, og Holgeir Rósenkrans var hirðstjóri hjer á landi,
gerðu Tyrkjar út 4 herskip til að ræna fólki af Íslandi.
20ta dag júnímánaðar kom til Grindavíkur sunnan á Ís-
landi tyrkneskt herskip. Yfirmenn þess nefndust Amórat
Reiss, og 2 skipherrar, Arciff Reiss og Bírham Reiss.
Hertóku þeir þar við landið danskt kaupskip með öllu

Þess fólki, gótsi og áhöfn, enn annað með 3 mönnum dönskum; aðrir danskir menn komust undan með flóttu. Þessir Tyrkjar hertóku í sama sinn 15 íslenska menn, ræntu fje, hvar þeir gátu, og öllu fjemætu úr búðunum. Að því búnu ætluðu þeir að hertaka 3 kaupskip, er láu á Seiluhöfn¹, enn gátu ei komið því við, sakir þess að skip þeirra rendi upp á flúð eina, og stóð þar um stund. Sumir seigja, að höfuðsmaðurinn með Álptnesingum hafi látið hleypa á þá af 35 byssum í einu, og hafi þeir þá, þegar er þeir losnuðu af flúrinni, hleypt undan og ætlað til rána á Vestfjörðum, enn gefið það frá sjer, þar eð þeir frjettu, að ensk herskip láu þar; lögðu þeir síðan frá landi 30ta d. júlím., og hjeldu til Kíli, og haeptu fangana þar undir sitt áþjúnarok.

5ta d. júlím. komu 2 tyrknesk skip á Berufjörð frá Algeirsborg. Yfirmaðurinn nefndist Mórash Hemming. Þeir hertóku þar kaupskipið, 18 danska menn og 90 Íslendinga, drápu 8, enn lestu og særðu marga, og ræntu fje öllu, er þeir náðu. 10da d. júlím. lögðu skip þessi frá Berufirði, og hinn 13da inn á Fáskrúðarfjörð; ræntu þar 2 mönnum, enn drápu 1; hjeldu síðan þaðan suður með landi, enn hindruðust af andbyri frá að leggja inn á Reyðarfjörð. 14da d. júlím. bættist við enu eitt tyrkneskt skip, er ei hafði fyr að landi komið, og sigldi með hinum vestur til Vestmanneyja. Á leiðinni lokkuðu þeir til sín 9 menn af

¹) Svo hét forðum Bessastaðahöfn.

enskri duggu. 16. d. júlím. komu þessí 3 skip til eyjanna; geingu þar á land 300 manns, hertóku kaupskipið, enn danska fólkið komst með herttu undan til meiginlands. Tyrkjar hertóku hjer alls 242 menn, drápu 34, sem nienn vissu, þar á meðal prestinn sjera Jón Þorsteinsson. Þeir særðu og píndu þar margan mann, ræntu og spíltu miklu gótsi. Að því búnu létu þeir í haf, og fóru heim, og færðu og seldu hið hertekna fólk undir ánauðarök. Á leiðinni hjeðan ónduðust 3 íslenskir menn, og fæddust 3.

Árið 1628 kom sjera Ólafur Eigilsson aptur frá Tyrkjum til Danmerkur 28da d. martsm., og til Íslands 6ta d. júlím., lauslátinn af Tyrkjum árið áður 20ta d. septembem., eptir lönga neyðarreisu, eins og eptirfylgjandi rit hans frá seigir. Sama ár komu aptur til Íslands Haldór Jónsson, og systir hans Gvndrún, útkeypt af einum hollenskum manni, og af honum send til Danmerkur. Árið 1632 voru frammsendir í Danmórku peningar af almúga á Íslandi til lausnar hinnum herteknu, og fyrir þá útkeyptir 34 menn, ásamt annari mikilli summu frá Kríshjáni konungi 4ða. 13da d. júním. 1636 fóru þeir af stað úr illþýðishöndum, og komu til Danmerkur 19da d. ágústsm. 6 af þeim ónduðust á leiðinni, enn 1 varð eptir í Glykksborg. Árið 1637 komu þessir menn, 27 að tölun, frelsaðir undan ánauð Tyrkja, aptur til Íslands, þar á meðal Ásta Þorsteinsdóttir, konu sjera Ólafs, og Einar Leptsson. Þeir eptirverandi 117 tjáðust þá flestir frá trú geingnir, cinkum

ungmenn, til að mynda dóttir sjera Jóns, og sonur sjera Ólafs, sem þá var kominn til Túnis. Hitt fólkid var flest ándað, sumt selt og víðs vegar um lönd tvístrað, svo ei varð til þess náð eða spurt. Árlega þaðan í frá höfðu Tyrkjar haft í áformi að ræna á Íslandi, enn ávalt hindrast frá því.

Þannig lyktar hjér frá þessum stórtíðindum að seigja, enn hvor sem þetta les eða heyrir, setti af hjarta að sýngja og seigja:

Haltu oss, gvuð, við þitt breina orð,
hindra páfens og Tyrkjans morð, o. s. frv.

Hjer hefur

FRÁSÖGU

sjera **ÓLAFS EIGILSSONAR**

umm

*atfarir Tyrkians í Vestmanneyjum árið
1627, svo og umm hrakningaserð hans
til Algeirsborgar og þaðan aftur, eptir
hans eigin handriti.*

Fyrsti kapituli.

Umm viðbúning, þá til ræningjanna spurdist, osfrv.

Þá vjer á Vestmanneyjum frjettum til ræningjanna í Grindavík, var hjá oss nóg fors, sjálfbýrgingsháttur og uggleysi, helst hjá hinum yfirboðnu, með erfíði og skansasmíði hjá dönsku húsunum, eins út á skipinu, hvað gerast átti með mikilli framsýni, og var þó til getið af hinum útlendu, að innlendir mundu ei leingi við standa, ef nokkuð að bæri. Stóð.

þessi viðbúningur, þángað til barst, að ræningjarnir væru farnir frá landinu; byrjaði þá aptur hið gamla andvaraleysi, hvurnig sem áminningar voru gerðar.

Mánudæginn, 16da d. júlím., sáu menn 3 skip umm morguninn sigla úr landsuðri, og eitt þeirra geysi stórt. Þau sigldu rjett undir eyjarnar. Sökum andbyrs urðu þau að gera marga slægi norður og suður þann dag að kvöldi framm, enn þegar umm morguninn, er þau sáust, var kallað saman alt fólkið til að vera við dönsku húsin, og búast til varnar; hardlega bannað neinum burt að fara. Þá kvöld var komið, drógst fólkið í burtu, því þeir útlendu þóttust þekkja skipin, að það væru varnarskipin, er hjer við land áttu að vera, og fór því hur heim til sín, og alt datt í logn, svo þeir satansþjónar, bölvaðirmorðingjarnir, feingu sinn frammgang.

Á leiðinni frá Austfjörðum höfðu ræningjarnir náð enskri duggu, sem var að fiska, og tóku þar 9 menn; hjetu skipherranum, að þeir skyldu láta þá aptur lausa, ef þeir vísuðu sjer að höfninni á Vestmanneyjum, og þannig komust þeir að eyjunum inn að höfn umm miðapt-

ansleytið. Af ensku duggunni var einn, er hjet Þorsteinn; hann kendi það ráð, að hleypa öllum hernum upp sunnan á eyjarnar; þekkti hann svo til, að þar varð upp komist á einum stað, og var þessu hans ráði fylgt. Kaupmaðurinn, Lars Bagge, lét halda vörð hvurja nótt, eptir að til skipanna sást; lét hreinsa hvurt fallstykki, og fjekk hvurjum manni byssur og varnir til að verja höfnina. Enn þegar hann sá, að ræningjarnir fóru suður fyrir eyjarnar, reið hann með nokkrum mönnum suður á foldirnar, að skygnast umm; höfðu þeir þá út látið 3 báta, hlaðna með fólki, á að giska tvö þrjú hundruð; gerði hann þá boð skipherranum, að hann kjæmi þar með sínu fólki og vopnum, að verja þeim uppgöngu á eyjuna. Bátar ræningjanna lögðu að Brimurð, þá þeir ekki komust upp í Kópavík; heitir þar síðan Ræningjatáangi, er þeir á land geingu, enn skipin lögðu heim að höfninni. Kaupmaðurinn, sem á urðunum var á hesti með nokkrum mönnum, vildi reyna að halda þeim þar frá, og skaut af einni byssu framm að þeim; orguðu þeir þá og veifudu höttum sínum með hljóðaólátum, og hjeldu ákaflega að landi, einn af öðrum; þusti þá hvur

maður frá kaupmanninum, og heim til kvenna sinna og barna; reið kaupmaður þá heim, og með honum skipherrann, Hinrik Tómasson, sem þegar í stað fór út á skip sitt, og hjó á það mörg göt, svo sökkva skyldi; hjó með hasti í sundur kaðalinn, að skipið skyldi laust drífa, enn kaupmaðurinn fór með skyndi að fallbyssunum, og rak sinn nagla í hvurt fángahol; þessa nagla hafði hann þar til smíða látið. Að því búnu sáu þeir, hvar mörðingjarnir komu með skothrið, hrinum og úlátum, herópi og rauðum blóðmerkjum; fló kaupmanninum þá í hug, að leita til meiginlands; vildi svo til, að í bátur lá á floti, og höfðu íslenskir menn skilið við hann. Fór kaupmaður út á bátinn með öllu heimilisfólki sínu, enn skipherrann gaf skipverjum sínum leyfi að fara í skipsbátinn og forða sjer, enn sjálfur vildi hann ei yfirgefa skip sitt, enn hljóp þó seinast í skipsjuluna, og náði svo sínum mönnum út við Klettsnef, enda dundu þá skotin á eptir þeim, og út á danska skipið, frá ræningjunum, svo ei var seinna vænna að forða sjer. Loksins komust þeir til fastalands eptir harða og mæðusama útivist, því áhöld voru slæm, ekkert nema hú-

ur og hattar að ausa með, og vindurinn andvígur.

Einm flokkur illvirkjanna, er í voru hjer umm bil 150 manns, bjeldu þegar til dönsku húsanna, drápu undir eins, þá er á leið þeirra urðu og mótstöðu veittu, enn suma ráku þeir með höggum á undan sjer. Annar flokkur þeirra kom til bygða á Ofanleiti, handtóku mig með konu minni vanfærri, og 2 börnum okkar og 2 vinnukonum, og þá er jeg vildi mótstöðu veita, börðu þeir mig og hröktu, og fjekk jeg margan steyt af byssustingjum þeirra, og hefúr mig síðan hvað mest furdad, að þeir skyldu láta mig lífi halda. Þeir gáfu njer lag í lærið, og þá varð jeg upp að gefast, og vorum við þá öll rekin til dönsku húsanna, enn þessir held jeg flestir hafi verið enskir. Hinir, sem stadnæmdust við Ofanleitishjáleigu, ráku fólkið fyrst heim að Ofanleiti, og leituðu svo vandlega í húsunum, að þeir kveiktu ljós; þeir fundu eina kellingu í eldhúsi í eldivíðarhlada; hana drógu þeir út; ljeta nokkra fara með þá herteknu að dönsku húsunum, þar á meðal 2 börn, er jeg hafði tekið að mjer í gustukaskyni, og óvörum voru heim komin, meðan ræningjarnir voru þar,

einn hinir kveiktu eld í húsunum. Ein kona, með tvævetru barni, varð fyrir þeim; hún þoldi ei að gánga með þeim herteknu, og köstuðu þeir henni og barninu undir eins í bálið, enn er þær nefndu gvuð, grenjuðu þeir og hrundu þeim með spjótsoddunum inn í eldinn. Þeir leituðu í hvurju húsi og holu, og skriðu sem mýs eða kvikindi; þeir klifruðust upp í byrgin, og tóku fólk þaðan, það er þeir náðu, enn skutu á hina, er þeir gátu ekki tekið, og dóu sumir við það upp í fiskabyrgjunum ¹. Á meðal annara varð fyrir þeim í þessum svifum maður, að nafni Bjarni Valdason; hann hjuggu þeir umm þvert andlitið fyrir ofan augu, og er konan, sem með honum gekk, sá það, fjell hún þegar yfir líkamann með miklu veini; tóku þeir þá í fætur henni, og drógu hana sem annað hræ, svo fötin komust framm yfir höfuðið; síðan söxuðu þeir þann dauða í smástykki, eins og saudarkropp í spað brytjaðan, enn konu hans ráku þeir að dönsku húsunum, og hrundu henni í fangaflokkinn; enn framar fundu þeir einn kvennmann á harða hlaupi, og eltu hana, uns hún fæddi föstnr sitt,

¹) Byrgi þessi eru gjöfur í þverhnýptum hamar eða bergi; hjer geyma eyjamenn fisk sinn.

og datt hún þá dauð niður, og fóstrið með. Hinn presturinn, Jón Þorsteinsson, er heima átti á eyjunni, flúði með heimilisfólki sínu í urðir austur frá bæ hans Kirkjubæ, í einn hellir við flæðarmál; hjer byrjaði hann að lesa og þrjedika fyrir fólkinu, og hugga það með gvuðs-ordí; seinast las hann litaníuna; þá komu þessir blóðhundar þangað, og er þeir sáu sjera Jón, mælti einn þeirra til hans: skyldir þú ekki vera heima í kirkju þinni? Hann sagði: jeg var þar í morgun. Þá er mælt, að mörðinginn hafi sagt: þú skalt ekki vera þar á morgun ¹. Síðan reiddi hann til höggs, og hjó prestinn þvert yfir höf- uðið; breiddi prestur þá út báðar hendur, og fól sig gvudi á vald við annað höggið með þessum ordum: jeg fel mig á vald herra míns Jesú Krists. Þá skreid kona hans að fótum mörð- ingjans, í því skyni að milda hann, en þess var einginn kostur, að fá vægd. Eptir 3ja högg- ið sagði presturinn: það er nóg; herra Jesú, meðtak þú minn anda. Að honum þannig önd- uðum, hröktu þeir þær mæðgur frá likamanum með syni hans og öðru fólki, er þar var: áður

¹) Það er sögu manna, að þetta hafi verið Þorsteinn, er áður var þjenari sjera Jóns, enn nú einn af þeim, er teknir voru til láns af ensku daggummi.

gat þó kona prestsins bundið trafi sínu umm höfuð hins andaða; síðan var fólkið, sem lifandi var, barið á framm til dönsku húsanna. Tveir kvennmenn urðu þó eptir í hellinum, er þeir fundu ekki. Í Ofanleitishamri hittu þeir 4 hrausta menn, og gátu loksins handtekið þá og fjötrað; ætluðu þeir sjer að drepa þá, enn í því sáu þeir 2 stúlkur, sem þeir eltu; komust þær ofan fyrir eitt leiti, og önnur að öllu leyti frá þeim að mönnunum, sem bundnir voru, og gat hún leyst einn af þeim, enn síðan leysti hvar annann. Í þeim svifum komu Tyrkjar aptur til þeirra; hljóp þá hvar sem mátti, og komust niður fyrir hamar einn, er Tyrkjar gátu ei farið, og snjeru því við aptur. Einn af Tyrkjunum hitti einn kvennmann hlaupandi, greip hana og lá með henni; reið hún síðan með honum til dönsku húsanna. Einn mann, að nafni Erlend Runólfsson, eltu þeir framm á einn hamar, náðu honum þar, flettu hann klæðum, og settu síðan til skotmáls fremst á bjarginu, svo hann við skotið fjell ofan fyrir. Kvennmenn fundust hingat og þáingat dauðar, sundurhöggnar og svívirðilega útleiknar. Mann, að heiti Ásmund, stúngu þeir í hel á sinni sóttarsæng, svo rúmið

flaut í blóði hans. Mesta ánægja þeirra var, að saxa í sundur þá dauðu í smástykki. Að þessu búnu söfnuðust þeir saman að dönsku húsunum, og byrjuðu að skipa út. Mig vildi kapteinninn hafa lausan látið fyrir aldurs sakir, enn þegar kona mín heyrði það, grátbændi hún mig að skilja ekki við sig, og hjet jeg henni því fúslega, sem nærri má geta. Þraung mikil var í húsinu, og slapp einn piltur út við það milli föta eins, er í dyrunum stóð, og komst þannig undan. Gamalmenni, sem hjer voru saman kómin, og þeim þótti einginnu slægur í, hafa þeir líkast til brent með húsunum, þegar þeir voru búnir að velja úr, það þá lysti. Í öskuhlúgu húsanna fundust þar margra manna bein og kroppar sundursteiktir. Það hernumda fólk reikna menn verið hafi 242 að tölu, enn hvað marga þeir hafa drepð með ýmsu móti, vita menn ei fyrir víst. 34 menn vita menn til, að jarðaðir hafi verið. Eptir það út var búið að skipa, skntu þeir 5 mönnum á land aptur, og drápu þó tvo af þeim, og hefðu sjálfsagt stútað hinum, hefðu þeir ei átt fótum sínum fjör að launa. Þessir menn hafa frá sagt, hvurnig ræningjarnir breyttu við það fólk, er þeir tóku

á Djúpavogi; tveir og tveir voru hlekkjaðir saman, og þegar þeir að lokunum lögðu út af höfninni, flutu margir dauðir menn kríngum skipin, og Landakirkja stóð þá í ljósum loga. Hjer virðist ekki ótilhlýðilegt, að bæta við athæfi illmenna þessara á Djúpavogi.

Hinn fyrsti maður, er þeir fundu þar, var hálfvaxinn piltur; hann reyrdi þeir þegar böndum, og ljetu hann liggja í veigi fyrir sjer; tóku síðan til að safna, drápu gamalmenni og alla, sem eitthvað voru bilaðir eða hrumir, og þar þessir blóðhundar aldrei gátu fyllt sig á blóði saklausra, æddu þeir sem óarga dýr alt að Eyðölum, hjer umm bil áfanga vegar frá Kaupstaðnum. Reiknað hefur verið, að 110 mönnum hafi þeir rænt og til skipa rekið, enn 9 fundust dauðir, þar á meðal sá, sem þeir fyrst fundu; hann tóku þeir á heimleiðinni, og skáru yfir umm þvert ennið, og flettu augabrúnunum ofan fyrir augum, skáru síðan göt á huppa hans, og dó hann við það. Danska kaupmanninn þar flettu þeir fótum, færðu í tötur og keyrðu hann í járn, ásamt öðrum, í 4 daga; síðan voru þeir þó úr fjötrum leystir.

Annar kapituli.

Sjera Ólafur fer út á skip ræningjanna, og aðrir herteknir menn; meðferð á þeim, osfrv.

Á þriðjudæginu árdeigis voru framm settir 2 teinahringar úr vörinni, og var Íslendingum skipað að róa, og bardir með köðlum, allt að því skipinu, sem stærst var, og aldrei lagði inn á höfnina; urðu þá mikil fagnadarlæti á þeim Tyrkjum, er fyrir voru, þegar vjer komum upp á skipið; lá allt fólkið, sem tekið hafði verið eystra, í böndum á þilsfarinu. Var oss nú þegar brauð gefið, enn vont vatn að drekka; voru þá austmenn úr böndum teknir, og þeim líka brauð gefið; þótti þeim þetta nýjungar, því þeir höfðu ekkert feingið, frá því þeir voru teknir. Litlum tíma eftir borðhaldið var jeg kallaður aptur á skipið, og af yfirkapteininum boðið að setjast; þegar tóku tveir af Tyrkjum, og tveir aðrir, hendur mínar, og sujeru saman með snæri. Yfirkapteinninn sló þá eftir baki mínu mörg högg, og svo stór, sem honum var unt, uns hljóð mín tóku að mínka; þá var einn til settur, sem þjóðversku talaði, að spyrja mig, hvort jeg vissi ekki af neinum peningum, enn jeg enitaði því mjög hátt, því jeg yildi, að þeir

sem fyrst vildu slá mig í hel. Að svo mæltu reistu þeir mig á fætur, því jeg gat hvorki vel staðið nje geingið; síðan skipuðu þeir mjer aptur framm á skipið, og þá Íslendingar aumkuðu mig, glöddu hinir sig.

Þriðji kapitulli.

Umm burtsferðarundirbúning og lýsing ræningjanna.

Umm nónbil sama dag komu þeir enn með fólk úr landi; þá gáfu þeir einn austmann lausan, er hafði visna hönd. Nær náttmálum var oss faungunum vísað niðr í skipið, þar sem hitt fólkið var fyrir, og þá matur gefinn; síðan lá þar hvur, sem kominn var. Á miðvikudagsmorguninn komu þeir enn með fólk, og þá voru dönsku húsin í einum loga. Allan þann dag voru illmennin að flytja fólkið, og var því ekkert mein gert, eptir að það kom á skipið, og þeir ljetu enda dátt að úngbörnum. Ef þú nú, lesari góður, vilt vita, hvurnig fólk þetta leit út að ásýnd og búnaði, þá er það satt að seigja misjafnt, sem annað fólk, sumir stórir, sumir litlir, sumir ljósleitir, sumir svartir; þeir eru ekki allir Tyrkjar, heldur sumir kristnir trúuðingar úr ýmsum löndum, norskir, enskir, þjóðverskir og

danskir, hvur á sinnar þjóðar klæðnaði. Sumir hafa þó enn trú sína óafbakada; þeir eru hafðir í viðlögum, og fá högg að launum.

Tyrkjar eru flestir svartir á háralit, með raudar uppháar húur, og gjörðan svirgul umm neðan af silki eða öðrum dýrmætum vefnaði; þeir eru á síðum kjólum, og hafa umm sig vasid svirgul af sama efni, fjöggra fadma að leingd; í linbrókum, með gula og rauða járn-brydda skó á fótum, enn sumir ganga berfættir. Þeir hafa rakaðan koll, og ekki skegg, nema á efri vörinni, og eru ekki svo illileigir, sem sumir ætla; hafa hendur og fætur, sem menskir menn, eingar klær í stað nagla; eingir hnífar standa út úr olbogum þeirra, hníjam eða bringu, einginu eldur breunur úr augum þeirra, og ekki spúa þeir heldur eitri og brenništeini, eins og einhver lýsti þeim fyrir tíu árum. Hitt fólkið, renigatarnir, sem trú hafa kastað, eru eins búnir, og þeir piltar eru það, sem vest fara með kristna menn, og voru þeir það, sem helst drápu hjer fólkið og misþyrmdu því.

Fjórði kapituli.

Umm burtferð vora til Tyrkjalands, og það, sem við bar á leiðinni.

19da d. júlím., á fimtudagsmorguninn, ljettu ill-virkjarnir akkerum, undu upp segl, og hleyptu af níu fallstykkjaskotum, tóku stefnumið í hádeigisátt, og höfðu besta byr í þrjár vikur. Íslendingar báru sig í fyrstunni aumlega, er þeir mistu sjónar á landinu, enn hver huggaði annann með gvuðsorði, konur sem kallar, úngir sem gamlir, því gvuð hafði veitt því fólki gott skyn á gvuði sínum. 20ta d. júlím. voru þær mædgur Margrjetarnar, kona sjera Jóns heitins og dóttir þeirra hjóna, svo og Jón son þeirra, sótt á hitt skipið, og flutt á það skipið, sem jeg og minir vorum á; þá var jeg og kona mín, og börn okkar, tekin frá hinu fólkinu, og feinginn aumar sama staður; oss færd gömul segl og svart einskeptutjald að liggja við, og seglum tjaldað kringum oss, og þar eð dimt var viðr í skipinu, loguðu þar lampar nótt og dag, og umm oss var búid hvurt kvöld, og mat feingum við af rjettum eða borði höfðingjanna, og á meðan mjöðtunnur þær og bjórtunnur, er rænt hafði verið í Vestmanneyjum, hrukku til, feingum við af þeim að

drekka, og hvurn morgun eitt tár af brenniyíni, enn Tyrkjar sjálfir drukku ei nema vatn. 30ta d. júlím. fæddi min fátæk kvinna barn, og það skirði jeg sjálfur svo sem í laumi, með hryggðarfulla hjarta, enn þá er þeir heyrðu, að barnið hljóðaði, söfnuðust þeir að flokkum saman, og tveir þeirra gáfu því gamlar skýrtur; jeg ljet sveininn heita eptir sjera Jóni sáluga.

Fimti kapituli.

Umm nokkurn Tyrkjanna mótgang og ferðalok.

5ta d. ágústm. laust á oss sterkum landnýrðingi, svo það eina skipið hrakti frá; af þessu urðu illmennin óttasleigin, sem væru þeir dauðvona. Skipið lá undir áföllum, og stóra bátnum skoluðu sjóirnir út, og fjögur höfuðtog slitnuðu. Einn spánskan kristinn háseta tók líka út, enn annar lestist í handlegg, en hlaut þó að fara út á rárnar, og þaðan datt hann út í sjó, og hrópaði: hilf mir, herr gott¹; þar af rjød jeg, að hann mundi Þjóðverji verið hafa. Tvær eða þrjár gamlar konur önduðust á leiðinni, sem varaði í fjórar vikur. Í ofviðrinu var kristna fólkið með góðum og glöðum huga, í von umm sæla burtför af þess-

¹) Hjálpa-mjer, gvuð drottina.

um heimi, enn illvirkjarnir tóku það til ráðs, að þeir slátruðu einum hrút, ákaflega feitum, sem var á skipinu, eins og til offurgjörðar, annaðhvort handa djöflinum, eða einhvarjum sínum afgvndi; hann hjuggu þeir sundur í tvo parta, og köstundu sínum helmingi á hvora síðu við skipið útbyrðis, enda sefaðist stormurinn innan fárra daga. 9da d. ágústm. komum við til Spánar; þá rákust á oss, eða mættu oss, sjóreyfarar á sex skipum; urðu illmennin þá geysilega hræddir umm sín efni, því þegar þeir sáu, að hinir bjuggust til bardaga, hristust, titruðu og skulfu þeir allir, sem hundar komnir af sundi; enn þá nær kom, reyndust það Tyrkjar, hinum að öllu líkir, og höfðu lagt út fyrir fjórtán dögum á 27 skipum, til að ræna, stela, drepa og myrða kristna menn. 11ta d. ágústm. lögðum við inn Njörfasund gamla, er skiler álfurnar, í mesta hræðbyri, og hinn 17da (eða 19da) komum vjer til Algeirsborgar, þar er illmennin áttu heima, og þegar er akker kendu grunn, var það hið fangada fólk í mesta hasti í land flutt, og þá voru nú stórar hörmúngar á ferðum hjá oss aumum mönnum.

Sjötti kapituli.

Uman það, hvurninn til gekk fyrir kástanum mönnum í Algeirsborg, að því leyti sem mjer var kunnugt.

Þegar þetta fólk var á land komið, þusti ótölulegur manngengi að, til að horfa á þessa aumíngja og skoða þá. Að undirlægi Tyrkja var hjér hvér frá öðrum skilinn, börnin frá foreldrum, osfrv.; síðan inn eftir strætunum hneptir hús frá húsi upp á torgið, og þar til sölu boðnir, eins og annar fjenaður; fólkið, sem þeir ræutu eystra, var þó látið fyrst fara, kallmeun og konur, hvað í sínum flokki, og þetta gekk alt að 28da deigi ágústm., þá voru flestir seldir af austanfólkinu. Síðan kom eyjafólkið. Torgið er af múr, með sætum alt í kring, og eins og steinlögðu gólfi, hvurt jeg meina, að daglega sje þveigið, sem önnur aðalhús, er þrisvar á dag eru þveigin. Torg þetta er þar nálægt, er staðarhöfðinginn eða konungur þeirra býr. Yfirkapteinninn má hafa hvurja helst tvo af hinum faunguðu, sem hann vill, eun konungur þeirra tekur hvurn áttunda af köllum, konum og börnum; að því búnu er skipt í tvo jafna hluti, því sem eftir er, önnur helftin handa skipsfólkinu, eun hia handa eig-

endum skipsins. Þá fólkið kom upp á torgið, voru taldir 30 í hvurn hóp, og geingu Tyrkjar bæði undan og eptir, og töldu ætíð, umm hvurt stræti sem farið var, því heimamenn eru opt vanir að stela fólkinu á leiðinni til torgsins. Þegar vjer vorum komnir á torgið, var sleiginn umm oss hríngur; því næst granskoðaðar hvurs eins hendar og augu; tók konúngur þá úr hópn- um 8da hvurn mann, og úr dreingjaflokknum tók hann fyrst son minn, níu vetra gamlan, og man jeg það, á meðan jeg lifi, svo og, hvorju hann svaraði mjer, þá er hann var tekinn frá mjer, og jeg áminti hann, að halda trú sinni; þá svaraði hann með þúngum ekka: faðir minn, þeir hljóta nú að fara með kroppinn, eins og þeir vilja, enn sálina skal jeg geyma mínum góða gvuði. Hitt annað fólkið var leitt á ann- ann stað, og einn af Tyrkjum leiddi mig kring- um einn múrstólpa með háhljóðum, er jeg ekki vissi, hvað þýða skyldi, og var jeg og kona mín, og okkar tvö úngu börn, annað árs gamalt, enn hitt mánaðar gamalt, flutt upp á konúngssal- inn; þar sátum við undir börnunum í tvo tíma, enn síðan vorum við sett í hans fangahús, og

gistum þar þá nótt; úr því vissi jeg ekki, hvað unni mesta fólkshlutann leið.

Sjöundi kapituli.

Aframhald meðferðar Tyrkja á mjer og mínum.

Næsta dag, nær miðjum deigi, komu tveir skip-herrar þangað, sem ódir væru; höfðu þeir verið herleiddir, annar þýskur, hian danskur, og sögdust eiga að sækja okkur; við fylgðum þeim umm lángan veg, og bárum úngbörnin, alt í hús eins Tyrkjahöfðingja, og strax var því unga barni feingin rugga, og fót að liggja við, upp á þeirra visu; kona mín fjekk og fót að liggja við; því næst var oss matur gefinn, enn ekki fjekk jeg með henni að borða. Matur er þar nógur gefinn kvöld og morgna, heitt braud úr ofninum, og dágóður grjónagrautur með feiti í, svo og epli og vínber nóglega, ena ekki annað enn volgt mýrarvatn að drekka; það sem að kvöldi af braudi leiðist, var að morgni gefið hestum, enn grantarleifum öllum var helt út fyrir múrinn. Eptir máltíð gjörða var jeg þaðan hafður í annað hús, og mátti jeg einn saman rorra þar þann dag til kvölds, uns þeir komu heim, sem í húsinu áttu að liggja, enn

kona mín og börn voru í húsi hjá stríðsmönnum höfðingjans. Á 4ða deigi hjer frá var jeg tekinn úr þessu húsi, og settur í annað hús, og voru þar fyrir tveir eyjamenn, Jaspar Kristjánsson og Jón Þorsteinsson. Þrem dögum seinna var jeg þaðan kalladur fyrir einn Tyrkja-höfðingja; hann bauð mjer eptirmiinnilega, að láta sækja eða rita eptir peningum til konungsins í Danmörku, til útlausnar mjer og mínum; átti hvurt okkar að kosta 1200 rikisdali, þá spesiur, er þeir köllndu: 1200 stikk fon akten, og þar á ofan mátti jeg kyssa á hendur þeirra. Síðan var jeg aptur látinn í dýblissu mína; þar mátti jeg opt laus ganga hingað og þangað út umm múrana, og gerðum við Jaspar það opt, enn mjög sjaldan fjeck jeg að finna konu mína og barnakindur, þó mig lángeði mjög til þess.

Áttundi kapítali.

Fátt eitt umm það, er bar mjer fyrir augu í Algeirs-borg, osfrv.

Sakir eins konar rænuleysis, er á mjer var í fyrstunni eptir hjerkomu mína, verð jeg mörgu að sleppa, er jeg þó sá. Það fyrsta, er jeg

gjætti að, voru nokkrir klyfjaddir asnar; þeir eru á stærð sem tvævett mertrippi; þeir eru afar sterkir til áburðar; eyru þeirra eru víst álqar laung; þeir eru með kórflu fyrir kjaptinum, og er hún bundin upp umm eyru; í henni er fódur þeirra, enn það er braud. Hestar þar eru áþekkir vorum hestum, með munnpoka, og braudfódur í; þeir eru þar hafdir til að draga kvarnir, er mala. Fimm úlfalda sá jeg þar og; þeir eru geysi stórir og sterkir, og getur hvor þeirra, að minni hyggju, borið af fjórum hestum eða fimm; þeir eru allir bleikalóttir; að sköpulægi að aptanverðu eru þeir sem naut, með klaufir; þeir hafa kringdan hrygg, lánagan háls með þremur hnúskum á; eyru þeirra eru lík hestseyrum, enn eru þó með nautsgrönnum; þeir bera kórflu með braudi í. Einnig sá jeg þar dverg og dyrgju; hann virtist mjer ekki geta náð tveimur álum að hæð; harn var bolstuttur og kloflángur, og hendur hans tóku alt á hnje niður, svartur sem bik, og stórhöfðadur. Dyrgjan þar á móti á að giska lþ alin, furðulega gild, bollaung, klofstutt og fótadigur. Ótal fugla ópekta sá jeg þar í fuglabúrum. Bærinn sjálfur er hvítur sem krít, húsin með flötu þaki;

aðalshúsin eru opin ofan, nema þar sem sofíð er; vegna hins mikla hita ganga kallmenn sem konur nær nakið, þar sólin geingur þar yfir höfðum manna; jörð grær þar tvisvar á ári hvurju, korn, vínber, grjón, osfrv.; aldrei er þar gras sleigið, og aldrei peningur inn látinn, því þar er hvorki frost nje vetur; sauðfje ávaxtast þar tvisvar umm árið, og er bæði feitt og faungulegt, og ekki er þar einn sauður geldur. Einn dag sáum við Jaspar 1000 hrúta, og hángir róa þeirra eða dindill nálega niðr á jörð, og er afar feit.

Niundi kapítuli.

Klæðasnið og borðbúnaður, osfrv.

■ Nið tyrkneska kvennfólk er þá fyrst í skyrta af hinu smágjörvasta efni, sem til getur verið, með eingu öðru opi enn því, sem hausnum er smeygt upp úr; þær eru á skósiðum linbrókum, kollhúur af líni gerðar; utan yfir venjulega hríngofna kápu af líni, og sveipa kápuinni fyrir andlit sjer, svo einginn sjái þær eða þekki, með svirgul af líni eða silki umm lifið. Kallmanna-búnaðarins hef jeg áður minst. Matardiskar eru þar af leiri, í lögun sem munnlaugar; eins

drykkjarkerin með leirstút. Vel flestir liggja á dinulausu gólfi, enn vænir feldar eru breiddir undir og yfir; þar sjæst eingin kista, bord nje bekkur; spænis allir af trje; eingin hurð á járn-um, enn þrennir hringar í hvorjum væng, því vængjahurðir eru þar fyrir flestum dyrum, og þá borðað er, sitja menn á rjettum beinum á gólfinu. Einn sinni urðum við Jaspar ófriskir, enn Jón Þorsteinsson sárveikur, og þá var minni frómu konu lofað að finna mig allra snöggvast. Í það mund hafði jeg einga skó á fótum; þá uppvakti gvuð einn frakkneskan manna, sem þar hafði leingi verið, að hann gaf mjer nýja skó, og einn pott af brennivíni. Þessi maður sagði mjer, að Íslendingar læju veikir umm allan bæinn eða borgina, og hryndu víða niður, og í legstaðargarðinn væru komnir 30, því þann hinn megna hita, sem þar er, þolir fólkið ekki. Enn fremur sagði hann mjer, að ein stúlka hefði verið seld fyrir 700 dali; þessi stúlka hafði verið þjónustustúlka hjá mjer, vel vaxin og friðsýnum; síðan sagði hann, að auðmaður frá Jór-sölum hefði keypt hana fyrir 1000 dali, flutt hana til Jórsala, og heitið henni kristnum manni til eigjómans.

Tíundi kapituli.

Umm hrakning minna og eyndarferð frá Algeirsborg.

20ta d. septemberm. var jeg kallaður, og þegar við komum að því húsi, er kona mín var í, þá var það naumast, þrátt fyrir alla mína auðmýkt, að jeg sjekk leyfi til að kveðja konu mína og börnin, sem þá voru dauðveik; við hana mátti jeg ekki tala tíu orðum fleira, og var síðan slitinn frá henni með týrannalegum harðindum, og með mig farið í það stræti, sem höfuðtyrkjarnir voru fyrir. Þeir gáfu mjer vegabréf í sínu túngumáli, og var mjer sagt, að innihald þess væri, að þó aðrir Tyrkjar ynnu það skip, sem jeg væri á, þá skyldu þeir ekki drepa mig, því jeg væri þeirra sendimaður, og þar með hlaut jeg að kyssa á hendur þeirra að nýju. Þetta vegabréf á jeg enn, og hef sýnt það mörgum. Sama dag var jeg á skip látinn hjá Vallendingum. Ásigkomulag likama míns í það sinn er gvudi ljósast. Á þeirri leið þoldi jeg mikla neyð bæði í tilliti til matar og drykkjar, og neyddist til, svo sem með stelandi hendi, að drekka af því vatni, sem ljón, birnir, strútsfuglar, apynjur og hængjæsir drukku af, og útatað var, enn þó varð jeg því feiginn. Þegar vjer vorum komnir eina

dagleið frá Algeirsborg, eltu tyrknesk skip oss í tvo daga, enn náðu oss ekki. Vináttu Tyrkja og Vallendinga er þannig varið, að þeir kaupa saman, enn að því búnu drepa hvorir aðra, þá svo til tekst. Að viku lidinni varð stýrimaður viltur í reikningunum, svo þá land sást, vörpuðu þeir út akkerum, og fóru á báti til lands, enn á land máttum vjer ei stíga, þó vjer vildum hafa vatn, og vita, hvort land þetta væri, enn oss var vísað frá með skotum. Á skipi þessu var margkynjuð þjóð, þrír Ítalar, fjórir Gyðingar, og gáfu þeir mjer stundum braudmola; fjórir Einglendingar, fimm Frakkar, þrír Spánverjar, fimm Þjóðverjar, og við tveir, jeg og hinn þjóðverski Hamborgari Jakob, er Tyrkjar höfðu tekið umm krossmessuleytið. Sakir storms urðum við á bátnum að liggja í skeri í þrjú dægur án allrar fæðu. Þegar lygndi, fórum vjer aptur út í skipið, enn þeir, sem bönnuðu oss landið, sögðu það hjeti Sardinía. Síðan bar oss undir ey þá, er Malta heitir, þar sem sankti Páll var umm stund eptir skipbrotið. Því næst komum vjer til Ítalíu, þar sem kapteinninn átti heima, og hjet sá staður Lífornó. Þar urðum við að vera fyrir utan í sex daga,

uns læknuirinn kom, og skoðaði oss; konur og börn máttu áleingdar við oss tala. Tveir Ítalar gáfu mjer vatn að drekka, svo og epli og ost að eta, og þá var mjer hjálpar von.

Ellefti kapituli.

Umm veru mína í Lífornó, osfrv.

Ílta d. októberm. var alt fólkið af skoðunar-meistararum skoðað undir handkrykum og í nár-unum, hvort það væri sóttlaust; að því búnu máttum við fara inn í bæinn. Þángað fór jeg, og vissi mjer eingrar hjálpar von, nema hjá gvúði. Einglendingar, sem með mjer komu úr Sudurálfunni, settu mig til borðs með sjer, og borguðu alt fyrir mig, og feingu mjer herbergi hjá einum norskum manni, og hann gaf mjer mat dæginn eptir. Hinn 15da fjekk jeg hvorki vott nje þurt, enn fjekk þó að vera í húsunum; þá gekk svo hart að hjargræði lik-amans, að jeg varð að biðja kaupmennina, bæði hinn enska og þjóðverska, umm nokkra hjálp í gvúðs nafni. Þeir gáfu mjer fimmm dali í silfri og gulli. Norski kaupmaðurinn hýsti mig kauplaust. Þaðan vildi jeg hafa farið með förunaut mínum, Jakobi frá Hamborg, er þar

fjekk einga peninga, og var því alls þurfi, og vann jeg það til hans, að gefa honum með njer, því jeg rataði ekki. Við ferðuðustum síðan í fjóra daga, framm hjá Venedigborg, og fórum með fjallinu Baldak, er seigir í Jallmannssögu, að hafi verið Þorbjörg hin digra, og nú vorum við komnir inn í Þýskaland, svo sem eina bæjarleið, og feingum náttstað hjá gamalli ekkju; hún spurði oss, hvaðan við værum, eða hvort við ætluðum, enn þegar hún heyrði það, bað hún okkur í gvuðs nafni að fara í burt, og sagði, að dátar keisarans dræpu þar alla ferðamenn. Við fórum aptur sömu nótt til baka, og komum loksins aptur til Lífornó; varð jeg þá að skilja þar við minn góða fírunaut, sem einga hjálp fjekk, og rjed því af að verða bátsmaður, því þegar við báðum bæjarmenn umni hjálp, sögðu þeir, að við skyldum láta Lúter hjálpa okkur, þar við hefðum hans trú.

Tólfli kapituli.

Umm Lífornóborg, síðu múkanna, osfrv.

Lífornóborg er lítil uminnáls, með tvennum sterkum múrum, og djúpu diki ummihverfis við nedri múrinn; skip geta bæði róið og siglt í

kríngum bæinn; hann er vel byggður, þriggja húsa há, og húsin meistaralega málud. Í honum taldi jeg þrettán kirkjur, þar af tvær miklar, af marmara grænum, innan búnar og prýddar gulli og silfri, þjedíkunarstóllinn, altarið, og sætið, sem múkurinn situr í, þá er hann skriptar fólkinu. Þá aðferð sá jeg. Sá sem skriptað er, hefur annann stól. Milli þeirra er sett messingarbrik, tveggja álna há, með smágötum, til að mynda sem sáldur, og í gegnum þessi göt talast þeir við. Sjeu múknum gefnir peningar, afleysir hann þann mann, er það gerir, frá öllum syndum. Við hurjar kirkjudyr standa tveir stólpar af marmara, tveggja álna háir; ofau á þeim standa tvær skálir með vigt vatn; sá sem í kirkjuna geingur, skal dýfa tveim fingrum í vatnið, og gjöra sjer kross á enni með vatnsdropum þeim, er loda við fingurna. Til að gjæta að, hvort þetta sje gjört, eru settir tveir gamlir múkar.

Út af húsi norska mannsins sá jeg og vitjað sjúkra, og gekk það svo afkáralega til, að jeg vil geta þess hjer. Fyrst geingu tvö hundruð manns, menn og konur; hur umm sig hjelt á kertaljósi, ekki laungu; meðal þess fjölda gekk

múkurinn, og yfir honum var borið á þrem staungum blátt silki. Þegar skari þessi kemur að húsi þess, sem veikur er, nemur hópurinn staðar fyrir utan, enn múkinum einum rúm gefið til inn-
gaungu, enn söfnudurinn kastar þá öllum kertisstubbum logandi eptir honum, og að því húnu fer hvur í sitt hús aptur. Múkurinn hefur tösku á hálsinum, og hjöllu, sem ætið hringist. Í bæ þessum fá klukkurnar aldrei hvíld.

Múkarnir eru eptir þeirra tegund eða orðu með því móti, sumir grámúkar, sumir hvítmúkar, og sumir svartmúkar. Nöfn taka þeir af kjólalítum sínum; ekki hafa þeir annað á sjer, enn skyrtur einar undir öklasiðum kjól eða kápu; hvorki brók nje buxur, enn upp um hálsinn hafa þeir mjög stutta kápu; upp úr henni geingur rúmur hattur; trjeskó hafa þeir sumir á fótum, og kjólinn að sjer hneptan með trjehnöppum og snærishneslum; belti hafa þeir umm sig af kaðal, með mörgum pjeturshnútum, og nær annar endinn eins langt niður, og kjóllinn; í beltinu bera þeir bók, til að sjá sem lögbækur vorar fornu; hún er til vinstri síðu, enn talnaband þeirra á ena hægri; rjett framan á sjer hafa þeir tóbakspípu, feykilega lánga; skegg

sitt láta þeir raka fjórtánda hvurn dag, og klippa höfuð sitt, nema í kring utan með standa eins konar geitnatoppar eptir, og þessir menn vilja kallast heilægir og gjætu nunnurnar að vísu helst borið vitni um það, þó þær þikist nú líka heilagar; má því nærri geta, að hjer, eins og annarstaðar, muni misjafn saður í mörgu fje. Erasmus sálugi frá Rotterdam bjó einu sinni til grafskript yfir þá, og vil jeg seta hana hjer til nánari íhugunar umm kosti þeirra:

Ó, vos múnakki,	vos estis,
kvórum stómakki	deus est testis,
súnt amfóra Bakki,	detrerrima pestis.

Snúið lauslega á vora túngu:

Eitruðu múkar,	verri eru þið bestin,
yðar andskotans búkar	enn hölvuðust pestin,
eru ána vingvudsins;	það best veit vor herra.

Þrettándi kapituli.

Umm klæðnað og annað fásjeð í Lísornó.

Kvennfólk er hjer svo vel búið, sem jeg held að best geti verið undir sólinni. Buxur þeirra eru gerðar af silki eða líní eða flöieli, og kosta yfir sextiu ríkisdali; sokkaböndin kosta tíu dali, og hvað annað eptir því. Treyjur þeirra eru

allar gull- og silfri baldíraðar, með ljómandi
 gimsteinum; einir skór falleigir kosta sextiu
 ríkisdali, og hugsaði jeg með mjer: soddan
 kvendi kosta nokkuð, því þær eru líka vel
 vaxnar og fallegar, allar dökkar á hár, enn
 matur er þar dýr; einn selningur kostar sextán
 skildinga, og máltíðir þar eru ekki saðsamar.
 Á hynrjum morgni sá jeg hundrað manns fara
 þar umm öll stræti. Tveir og tveir geingu fjötr-
 aðir saman, sem sambandshestar; þeir voru
 klæðlausir, nema vesæl rýja huldi blygðun þeirra,
 og tveir menn fóru með þeim, sem jeg hjelt, að
 yfir hina væru settir. Með þessum hóp var
 hjórtur með söguðum hornum, og tveir stórir
 hrútar, einn refur og einn marköttur, báðir á
 rauðum klæðum; þeir báðir geingu á apturfót-
 unum, og á þeim höfðu þeir svartaskó, hatt á
 höfði, og kórða eða verjur við síðu bundnar; í
 hárauðum buxum, og hjeingu lángar róur aptur
 úr þeim; jeg vissi aldrei, hvað þetta átti að
 þýða. Enn fremur sá jeg þar dýr það, er þeir
 kalla böffel, á borð við stærstu uxa, enn með
 eins og hrútshornum; feiti skal eingin í þeim
 vera, hvorki utan nje innan; þau draga fulla
 vagna með járn, salt, steinkol og öðru fleira.

Enn fremur sá jeg þar eitt furðuverk, er jeg svo kalla; það voru fjórar mannsmyndir, steyptar af eiri; þær sátu við stólpa af hvítum marmara, ferkantadan, og voru næsta líkar lifandi mönnum. Líkneski þessi voru gjörð eptir mynd eins Tyrkja, og sona hans; höfðu þeir gjört kristniðni mikinn skaða. Líkneskin voru að vexti sem risar, eum hertogi sá, er staðinn byggði, hafði unnið þessa Tyrkja í stríði, og lét steypa myndirnar; þær voru allar með stórt sverð í hendi. Þar á múnum umhverfis eru hausar af Tyrkjum, og geingur mikill gaddur gegnum þá ofan í múrinn, og mart annað sá jeg þar, er jeg skildi ekkert í, hvað þýða skyldi.

Fjórtándi kapítuli.

Umm ferð mína til Genúa og Frakklands.

Frá Lifornó keypti jeg mjer far með litlu skipi til þess mikla staðar Genúa, sem liggur við landsálfur Frakklands; á þeirri leið var jeg fjóra daga. Þessi borg er tólflúsuð, og með þreföldum múrveggjum, með fallbyssum í. Húsagluggarnir eru svo stórir, að fimm og sex fúðum nam; í þessum stað sá jeg og björn, sem gekk á apturfótunum. Jeg gisti hjer að danskri

konu, er gerði mjer nokkurn greiða, og kom mjer í far til Massiliu. Á hvurju kvöldi lögðum vjer að landi af ótta fyrir Tyrkjum. 7da d. septemberm. kom jeg til Massiliu, og afhenti slotsherranum vegabrjef mitt. Alt að dagsetri þess dags fjeck jeg hvurgi hús, þó jeg beiddi með grátandi tárur, og þar sem jeg var úrkula umm bænheyrslu, heyrði jeg sagt var á rjetta íslensku: kom þú með mjer, jeg skal ljá þjer hús í nótt, jeg er herleidd íslensk kona, enn þá jeg kom í hús hennar, frjetti hún mig, hvað manna jeg væri. Jeg kvaðst íslenskur. Í þessu húsi voru margir, bæði enskir og þjóðverskir, er skildu, hvað jeg sagði, og einn af Einglendingum, sem var gleraugnasmiður, þekti mig, og sagði henni, að jeg væri prestur utan af Íslandi, og þá skipaði hún mjer þegar út af húsinu, og ætlaði að hrinda mjer út; þá uppvakti gvuð mjer þjóðverskan kaupmann, er þegar stóð undan borðum í þessu vindrykkjuhúsi, og lofaði að borga fyrir mig fæði og hús, á meðan jeg væri í þeim stað.

Fimmtándi kapituli.

Umm það, sem yfir mig gekk í Massiliu.

Þetta hið sama kvöld fjekk jeg bæði mat og drykk nóglega, svo og góða sæng að sofa á, og hafði jeg ekki fyr feingið það, frá því fyrst jeg var hertekinn, og ekki hafði jeg úr mínum fátæklegum fótum farið þangað til, og voru það þó orðnar sextán vikur og einn dagur betur. Umm morguninn eptir kom kaupmaðurinn, sem jeg áður umm gat, og staðfesti loford sitt, að taka mig að sjer, og sagði svo allir heyrðu, að hann vissi ei, hvað til þess kjæmi, að hann elskaði mig sem fōður sinn. Í þessu húsi var jeg á hans kosti hinn 8da og 9da til hádeigis. 10da d. sama mánaðar, sem var laugardagurinn, komu inn í þetta vindrykkjuhús fimm hollenskir skipherrar, settu sig til borðs, og drukku gott vín. Umm þann tíma var mjer matur borinn við annað borð; þá spurði einn af þessum skipherrum mig, hvor jeg væri og hvaðan jeg væri, og hvurt jeg ætlaði. Þegar jeg hafði sagt honum það, stóð hann upp frá borðum, gekk að mjer, þar sem jeg, vesæll maður, sat; tók mig í fang sjer, og lofaði, að gefa mjer mat og drykk á sínu skipi, á meðan hann væri þar, og

kvaðst síðan skyldu koma mjer til Hollands; þessi frómi maður hjét Sakkarias Harðspenner. Þegar hann gekk út úr húsinu, kallaði hann á mig. Jég fór þegar með honum á skip, og var hjá honum sex vikur og tvo daga þar innanhafnar, og fór með honum dag eptir dag inn í staðinn. Í þessari velgeingni minni datt mjer í hug að fara til Parísar, enn mart hamlaði mjer frá því, fyrst óhreysti líkamans til að ganga; því næst peningafátæktin og klæðleysið, því mjer lá við að blygðast mín meðal mannanna af eyndum þeim, sem við mig loddu, og loda enn í dag; í fjórða máta geingu illar frjettir af morði því, er á þeim veigi væri að óttast, enn jeg huglaus orðinn af eyndum og armæðu.

Sextándi kapituli.

Umm nokkuð, sem mjer þótti merkilegt í Massilia.

Þar keypti jeg að koma í þá smíðju, er í eru smíðuð akkerin; þar rekur vindurinn járníð, og sleggjurnar koma sjálfar ofan úr loptinu, sumar með beitimunna; það kalla þeir þversleggjur; þar upp yfir standa tvær mylnur, og skildi jeg lítið í þessum unmbúningi; akkerin eru undin út og inn umm ablián á hjólum. Í ánnari

smíðju sá jeg þar dregnar lóðsagir, í þriðju, hvar steypt voru koparfallstykkinn eða kanónur; þær smíðjur standa mjög hátt, og ætla jeg, að mót stykkjanna sje undir ablinum. Jeg sá þar og stór og smá skip í smíðum, sem stóðu á stokkunum¹. Umm fiskiveiðaraðferð í þessari borg vil jeg ei fást, því mjer virðist hvort-tveggja hjegómi. Þeir grafa í sjávarsandinn með staungum, og er háfur festur við þær, og þegar hann er orðinn fullur af sandi og saur, er hann dreiginn upp, og er þá stundum ein sandlúða í honum eða tvær, og stundum eingin.

Seytjándi kapituli.

Umm staðinn Massílu, og ferð mína þaðan.

Massília er byggð umm einn kringlóttan fjörð, sem er þraungur inngaungu, og held jeg, að vart sje meira enn tveir faðmar, þvert yfir opið. Í sundi þessu eru niður settir fjórir stólpar af múr í sjóinn, og eru milli þeirra allra járn-hlekkir, ferlega miklir; broddar af jární háuga niðr úr hvurjum hlekk, svo að hvorki getur stórt skip nje litið komist þar út eða inn leyf-

¹) Massília er við Miðjarðarhjó; þar smíða Frakkar herskip sín, og liggja þau þar.

islaust. Öðru meigin við fjarðarmynnið stendur kastali staðarins, enn þrír stólpar eru festir á endann við þann stólpa, sem næstur er; annar þeirra endi er læstur í kastalanum, og liggja öll staðarskipin fyrir innan hann, liðugt þúsund að tölu, því hjer er mikill kaupstaður, fimm og sex húsa hár. Í stað þessum sá jeg sjálfa Andresmessu þrettán nunnuhópa, sem geingu þeirra heitgaungu upp á sína vísu til Andresarkirkju í austur frá staðnum í klaustri nokkru. Jómfrúaskari þessi var prýðilegur og fagur á að líta; þær voru allar í hvítum linnærpilsnum eða línbrókum. Gaungumáta þeirra var svo háttað, að í broddi fylkingar geingu tvær, þá þrjár, þá fjórar, fimm, sex, sjö, átta, níu, og í seinustu röð tíu, og hvor röðin gekk út af annari. Ekki voru múnkar með þeim í það sinni, og má vera, að þær hafi ætlað að sinna skriptaföður sinni í klausturkirkjuinni.

Ferð minni frá stað þessum var svo varið, að við lögðum út atfángadæginna fyrir jól, og láum fyrir utan hátíðisdagana. Þriðja í jólum lögðu þaðan í einum flota tólf skip, tvö af þeim með varnir, okkar skip með 26 stykkjum, hitt með 24; síðan höfðum við besta byr í átján daga,

þó bestan hinn 9da, er vjer sigldum út Njörfa-
sund; það skilur Norðurálfna frá Suðurálfunni,
og báru skipverjar mikinn kvíða fyrir því, af
því þar liggja jafnan sjóvíkingar, enn fja-
skapur er millam Spáuverja og Hollendinga,
og sigldum vjer því sem næst, vjer gátum,
Afrika, illþýðislandinu; úr því sáuðm vjer ei land,
fyrir enn England 23ja d. janúarm. Tveimur
dögum seinna misti jeg nærpeysu mína; hafði
jeg þveigið hana, og fest í togin, enn skipverjar
kváðu vindinn hafa feyktt henni. Jeg átti þá
ekki eptir nema skyrtugarminn, sem jeg var í,
og lifstykki, er jeg var hernuminn í. Umm
sama leyti misti jeg hattinn fyrir veðri; þá gaf
mínn frómi Sakkariás mér aptur gamlan hatt,
og einn skipsmaður gaf mér hálfa peysu, enn
hálfa keypti jeg. Á ferð þessari mættu oss tvö
ræningjaskip, enn feingust þó ekkert við oss.
Áttunda d. febrúarm. vorum vjer svo nærri Holl-
andi, að vjer sáuðm turnana; þar var fjöggra
faðma djúp. Þar umm kring standa grunn
meir enn hundrad skipskrokkar, óhræranleigir;
því verður Holland aldrei unnið vegna aðgryn-
is, og þess vegna kallast Holland: landið undir
hafinu, enn innbúar þess: þeir, sem húa undir

sjónum. Þegar menn vilja fara í land, verður að afferma skipin, þegar þrjár vikur sjávar eru eptir til lands. Af voru skipi vorum vjer að flytja í ellefu daga, og nálgudumst daglega stadinn, uns vjer loksins komustum inn í hann.

Átjándi Kapítuli.

Umm það, sem á mína daga dreif í Hollandi, osfrv.

Þegar jeg kom til Hollands, var jeg kyr út á skipi, þangað til minn góði Sakkarias kom aptur úr landi, og gaf mjer enn leyfi til að hafa mat á skipinu, meðan jeg dveldi hjer, og hjet mjer ummsjá sinni, að koma mjer til Danmerk-ur, og jók því við þær velgjördir, er hann áður hafði mjer veittar, og nú gaf hann mjer tvær fornar skyrtur, hosur og skó; áður fyrir jólinu gaf hann mjer í Massiliu kjól, sem kostadi tólf gyllini eða hjer umm bil fimmm spesiur. Þegar jeg hafði verið þar í fjóra daga, á nóttinni út á skipinu, enn á dæginn í stadnum, varð jeg matþurfi fyrir mig og piltinn, sem skipsins átti að gjæta, því hann stal matnum, og seldi hann fyrir peninga, svo jeg neyddist til að rýma skipið, og hugsaði mjer að leita upp hús míns góða Sakkariasar, enn það ætlaði ekki að ganga

greitt, því staðurinn er stór. Loksins bar mig inn í eitt hús; þar var fyrir danskur trumbu- blásari; hann hýsti mig nokkrar nætur, og sagði mjer, hvar Sakkarias minn byggi. Þegar jeg kom til staðarins, átti jeg hjá einum bátsmanni níu stýfur, eða átján skildinga, og fjekk jeg þá nú. Það er af þeim stað og landi að seigja, að jeg held, að það sje af mönnum gjört; þar eru stórir ósar, og fara menn með lánga staung í höndum; nedan á þeirri staung eru eins og ullarkambar, með fimmm eða sex tönnum af jární. Með kómbum þessum klóra menn sandinn upp úr ósnum, og láta í bátinn til sín; koma síðan með kistu eða kassa af jární, og fylla hann af leðju þessari, og flytja þángað, sem staðarhöfðinginn skipar. Að ári liðnu er sandleðja þessi orðin hörð, sem steinn væri, og þar á eru hús byggð, og staðurinn hjer við árlega út aukinn, og stendur ártalið á hvurjum húsdryum. Þeir menn, er vinna að þessum sandmokstri, eru í stigvjelum, sem ná upp undir hendur. Utan umm kring landið eru settir pílarar í sjóinn, sem hallast að landinu að ofan; grjót er borið að innan til, og er það keypt úr öðrum löndum; síðan er mokað að leirnum, sem er til að

sjá sem mór hjá oss. Landið er í raun og veru kœgra enn sjórinn; fyrir utan pílárana eru settar mylnur í kring; þær draga vatnið út af landinu, er inn sigur úr hafinu. Þetta geingur dag og nótt, þegar nokkur vindur er, og það heyrði jeg sem sannleika, að ef ei bljesi í mánuð, væri landið í kafi. Staðnum er svo háttad, að hann er vel húsaður, þriggja og fjöggra húsa hár; sum húsin máluð bæði utan og innan með ýmsum farfalit, og eru sum glassjeruð til að sjá. Bryggjur liggja, snildarlega tilbúnar, framm umm ósana og dikin, og getur einn maður undið þær upp og sleigið þeim niður, þegar skip fara út eða inn umm bryggjubrúrnar. Á bryggjum þessum er bæði ríðið og á vögnunum ekið. Fólk í Hollandi er þriflegt, maunúðlegt og góðviljað, einkum sjómenn, enn kvennfólkið er hvurgi svo fritt, svo það má kallast dávænt. Trúarbrögð þjóðar þessarar eru með misjöfnum hætti.

Nítjándi kapítuli.

Umm ferðalag mitt til Danmerkur, og viðtaka þar.
16da d. marts. fjekk jeg far með einum hollenskum skipherra fyrir milligaungu míns góða

Sakkariásar; þessi maður hjét Úlf. Rakkal. Með honum var jeg í þrettán daga, og í Fríslandi fjóra; þar sá jeg ekkert gras, enn nóg af rauðum sandi. Frá þeim stað Rottbæ sigldu sama dag 65 skip, og ætluðu flest af þeim til Danmerkur, að kaupa uxa. 22ann d. marts m. fórum vjer frá Fríslandi. Hinn 26ta sá jeg Svíaríki, og dæginn eptir komum vjer til Krónuborgarkastala eða Helsingjaeyri, og þóttist jeg þá nær sem heim kominn til Íslands. Þegar er jeg kom hjer á land, fann jeg þann fróma mann Pjetur Jakobsson; hann hafði verið í sjö ár fógeti í Vestmanneyjum. Hann tók mig undir eins heim til sín og sinna. Eptir máltíð gjörða var hann kallaður að fylgja líki kaupmanns nokkurs; fór jeg þá með honum, og heyrði danska líkræðu. Síðan var mjer umm kvöldið af þeim presti, er hana hjelt, boðið til gesta; nafn hans er mjer úr minni líðið. Hann spurði mig að mörgu. Gestabod þetta gjörði hann óefað í því skyni, að bodsmenn skyldu aumkvæst yfir mig, enn af því varð þó ekki. Sjálfur gaf hann mjer eimf dal og góðan hatt, og átti hann þó sjálfur fjölda barna. Pjetur og kona hans gáfu mjer gamla skyrtu, borinn kraga, og

litla postillu nýja. 28da d. martsm. kom jeg til hins konúnglega aðsetursstaðar Kaupmanna-hafnar, og þegar jeg kom þar, var tekið á móti mjer svo að seigja, sem jeg verið hefði eingill. Sá sem var mjer nákvæmastur gott að gera, var Jens Hesselberg; hann fór með mig sama dag upp á kompaníið eða samkundu verslunar-fjelagsins, og sagði þeim heiðarlegu íslensku kaupmönnum og öðrum, hvor jeg væri; tóku þeir mig þá samstundis að sjer, og hjeldu mig í allan máta kostulega; þeir gáfu mjer og klæðnað fyrir páskana, og ljettu þeir sjálfir skera hann handa mjer, og borguðu klæðasmiðnum saumalaunin. Strax fyrsta dæginn, sem jeg var í Kaupmannahöfn, gaf einn bátsmaður mjer tvo sljetta dali; hann hafði þekt mig áður. Dándissveinn Vigfús Gíslason gaf mjer hálfan dal. 5ta d. aprílm. var jeg kallaður af herra Þorláki Skúlasyni til gestabóðs, og þar eptir af honum boðaður til doktors Resen, sem spurði mig að mörgu af öllum löndum, er jeg hafði í komið, þó einna mest af Íslandi, og hann gaf mjer einn dal. 8da d. aprílm. fjekk jeg að sjá vorn náðugasta herra, kónginn Kristján þann fjórða, hvor hjartanleigi herra er býr

að sjá og til að líta við sína undirgefnu; sama dag sá jeg líka hans háborna son, prins Friðerik, þá hann fór til kirkju umm morguninn, og þaðan aptur umm kvöldið; hann var ríðandi. Á þessum mánudi var jeg víða til gesta þóðinn af heidvirðum mönnum, er margir þar að auki sæmdu mig gjöfum, þó var mest af íslenskum. Í þessum, mjer kjæra stað, er góð skikkun á öllum hlutum. Mat eða drykk fjekk jeg hvurgi eins góðan, að jeg ekki tali umm, hvað góð legurúm eru þar. Útmálun staðar og húsa- bygging þar er góðum mönnum alkunn, svo jeg vil ei umm rita. Í þann tíma flaug mjer ópt sorg í sinni af missir konu minnar og barna, svo og af ófriði þeim, er þá á gekk, hvað gvuð náðarsamlega betri.

Tuttugasti kapituli.

Umm rænuleysi mitt. Gjafr í Kaupmannahöfa, og ferð mín þaðan.

Í vesöld minni í Danmörku kom að mjer ópt og mörgum sinnum hálfþeytingsgeðsturlun af tilhugsan umm ástand minna, í illþýðishöndum eptirskildu ástmanna, og gremja yfir vesöld minni, ekki upp á neinn máta að geta frelsað

þá, undir hvurjum þaunkum jeg optlega gleymt hef mjer veittum velgjörðum, og fyrir þær þakk-látur að vera, og þess vegna hef jeg svo víða ósamanhángandi skrifað. Á meðan jeg var í Kaupmannahöfn, gáfust mjer, sem jeg með vissu man, átján ríkisdalir, og hafði jeg þá til ýmsra nauðsynja í vesöld minni. Í þakklætis-skyni við gvuð og menn vil jeg hjer nafngreina þá menn, er jeg hef ei áður á minst, fyrst kaupmann frá Færeyjum, fyrir milligaungu míns ógleymanlega Hesselbergs. Í öðru lægi, íslensk-ur maður, Bjarni Ormsson, er verið hafði í Vest-manneyjum, gaf mjer tvo dali, og vjek mjer mörgu góðu; ein heiðurskvinna gaf mjer tvo dali, og bauð mjer gefins mat og drykk. Í þriðja lægi, sá frómi kaupmaður Morten Hansen fyrir norðan á Íslandi, hann gaf mjer sex dali af þeim pen-ingum, er þeir frómu prestar, sjera Þorsteinn Illugason, og sjera Bjarni Gamlason, höfðu gef-íð til Danmerkur, uppgefnum prestum, hvað herrann sjálfur launa mun. Einn prestur í staðn-um, Marteinn, og einn skólameistari gáfu mjer einn dal, og enn einn landsmaður, er upp al-inn hafði verið í Vestmanneyjum, einn dal. Í Kaupmannahafnarstað var jeg í alt sjö vikur,

og þar sem jeg var herbergjaður, var mjer bæði matur og drykkur gefins veittur tvisvar á dag; ljét út frá staðnum 4ða d. maím. með Vestmann-eyjafari, kostfrí í allan máta, að tilhlutan míns góða hjálparmanns, Jens Hesselbergs, hvurjum gvuð best launi.

Tuttugasti og fyrsti kapituli.

Umm útkomu, mína til Íslands, viðgjörðir, og niðurlag sögunnar.

Frá Kaupmannahöfn fórum við fyrst til Helsingjaeyrar, og var jeg hjá Pjetri mínum Jakobsyni til hins 24ða; þá kom jeg aptur á skip með hollenskum; sem fluttu mig til Vestmann-eyja. Fyrir utan Krónborg var jeg til hins 6ta dags júním. vegna norðanstorma; þegar þeim lægði, sigldu 44 skip samllota út sundið, og ætluðu seytján af þeim til Íslands. Í þrettán daga í röð höfðum við andbyri, og hleyptu öll þessi skip inn í Norveg á höfn þá, er Flekkueyri nefndist, og láum þar í tíu dægur. Jeg fór þar umm nokkra bæi, og þar lysti mig helst að vera. Þaðan lögðum við með litilli kylju; hröktumst síðan undir Skotland að Akureyri, til hins 27da; sáum loks Ísland 4da d. júlím.,

og náðum Vestmanneyjum hinn 6ta d. s. m., eptir, fyrir mig, næstum eins árs burtuveru og hrakninga. Þegar jeg kom í land, tók jeg mjer til þakka, að það hið fátæka fólk, er þar var, tók við mjer, eins og það hefði vin sinn úr helju heimt, og keptist við að vikja mjer góðu; mín fátæka dóttir, og sá frómi mann, Oddur Pjetursson, tóku mig til sín. Dæginn eptir fór jeg til lands, að hitta mína kjæru ættmenn og vini, er tóku móti mjer með fullkomnum fögnuði, og spurðu tíðinda. Hvor keptist við annann, að gera mjer sem mest gott, og er mjer eigi unt, að telja það alt upp. Herra Oddur Einarsson, og kona hans, breyttu við mig; sem þeirra hjartanlegur son verið hefði, og var jeg útleystur með stórgjöfum, og margan styrk fjekk jeg af öðrum, sjera Sigurði og konu hans, sjera Snæbirni, Gísla Oddssyni og konu hans, sjera Jóni Bergssyni, Erlendi Ásmundssyni, Þorleifi Magnússyni, og mínum lögmanni, herra Gísla Hákonarsyni, einnig af mörgum öðrum, skyldum sem vandalausum, hvurja alla mjer er ómögulegt upp að telja, er sýnda á mjer vesælum og allsþurfa sitt meðaumkvunarhjarta, og bróðurlegt tryggða- og ástarþel, fyrir

hvað gvuði og öllum góðum jeg á þakkir að gjalda; hann virðist að uppláta þeim sitt miskunarhjarta, þá þeir helst þurfa við, og umbuni þeim öllum, og aðstodi þá í trú í lífi og dauða, og síðan í dýrdinni eilíflega, amen.

N O K K U R O R Ð .

Afríka, sama sem Suðurálfa.

Algeirsborg (eða Alsir), bær á norðurströndum Suðurálfunnar.

amfóra, áma.

Bakkí, Bakkusar. Bakkus var vingoð Grikkja og Rómverja.

Baldak (Baldo?), fjall í Efri Ítalíu.

deterríma; lókust, vest, hölvuðust.

deus, gvuð.

Erasmus, frá Rotterdam, var uppi umm samaleyti og Lúter, og einhver hinn mesti merkismaður.

estis, eruð.

Frísland, hjerað norðan til á Hollandi.

Genúa, bær í Ítalíu.

Helsingjaeyri, bær á austurströndum Sjálands, fyrir norðan Kaupmannahöfn.

Jórsalir (eða Jerúsalem), bær á Gyðingalandi.

Kíli, Chile (?), þjóðland í suðurhluta Vesturheims.

Krónuborg (eða Krónborg), kastali við Helsingjaeyri.

kvórum, (hvorra); þeirra er; yðar (á 36. bls.).

Líforno (Livorno), bær á vesturströndum Ítalíu.

Malta, ey fyrir sunnan
Síkiley, sunnan við Ítalíu.

Massilia, bær sunnan
á Frakklandi.

m ó n a k k í, múkar.

Paris, höfuðstaður Frakk-
lands.

p ó s t í s, post, drepsótt.
r e n í g a t a r (eða r e n e -
g a t a r), afneitendur (trúar-
sinnar), trúniðingar.

Rottbær, á Frislandi (?).

Rotterdam, bær í
Hollandi.

Sardinía, ey fyrir
vestan Ítalíu.

s t i k k, stykki, peningur.

stikk son akten (stykki af

átta, það er), peningur, sem
átta aðrir peningar eru í; svo
eru til að mynda átta tuttugu-
ogfjöguraskildingapeningar í
spesíu.

s t ó m a k k í, magar, búk-
ar.

s ú n t, eru,

t e s t í s, vitni.

Túnis, bær á norður-
ströndum Suðurlágunnar.

Vallendingar, s. s.
Ítalir.

Venedigborg (eða
Venedig eða Fencyj-
sar), bær norðarlega á aust-
urströndum Ítalíu.

v o s, þjer, þið.

EPTIR MÁLI.

Bæklingur þessi hefur verið prentaður eptir handriti, ekki mjög gömlu; maðurinn, sem ritaði það, er dáinn fyrir nokkrum árum.

Útgefendurnir hafa á stóku stað vikið við orði og orði, þar sem eitthvað þótti mjög dönskulegt, og hægt þótti að kippa því við, enn efnið eða frásögninni höfum við hvurgi breytt með ásettu ráði.


Okkur er kunnugt, að bók hefur áður verið prentuð umm sama efni í Kaupmannahöfn, enn við vissum ekki neinan þann hjer, er þá bók á, og gátum því ekki haft hana til samanburðar, og má þó vera, að eitthvað hefði skýrst í frásögninni, ef það hefði verið gjört.

Það er alkunnugt, að margar góðarsögur, og mart annað fagurt og fróðlegt hefur glatast, af því að menn hafa eigi hirt umm að koma því á prent, á meðan það var til; þetta vakti fyrir útgefendum þessarar sögu, og biðjum við góða menn vel að virða.

Leiðrjetting.

Næst á 17du bls. stendur enitaði fyrir: neitaði.

*Útgef. Egill Jóns. Lóab.
Gíli Magn. t. Málá Bætur.*





Lbs - Íslandssafn



100493658 - 5

